

Շարունակվում են աշխատանքային այցերը խոշորացվող համայնքներ

Ս.թ. օգոստոսի 19-ին Ագարակ քաղաքի երաժշտական դպրոցում տեղի է ունեցել ՀՀ տարածքային կառավարման և զարգացման նախարարության և Գերմանիայի միջազգային զարգացման ընկերության կողմից կազմակերպված՝ «Վարչատարածքային բարեփոխումների շրջանակներում 15 փնջերին աջակցություն հաղորդակցության միջոցառումներին և տնտեսական զարգացման ծրագրային գաղափարների մշակում» թեմայով աշխատաժողովը: Ծրագիրն իրականացվում է Գերմանիայի միջազգային զարգացման ընկերության ֆինանսական և մեթոդաբանական աջակցությամբ: Միջոցառմանը հրավիրված էին փնջում ընդգրկված համայնքների, ապագա բնակավայրերի վարչական աշխատողներ, մասնավոր և հասարակական հատվածի ներկայացուցիչներ, համայնքային ծառայողներ:

Միջոցառման մասնակիցներին բացման խոսքով դիմել են ՀՀ տարածքային կառավարման և զարգացման նախարարության կողմից՝ ՏԻՄ վարչության պետ պարոն Ա. Գիլոյանը և Գերմանիայի միջազգային զարգացման ընկերության կողմից՝ ծրագրի համակարգող պարոն Ա. Քեշիշյանը:



Ա. Գիլոյանը ներկայացրել է վարչատարածքային բարեփոխումների ընթացիկ վիճակը, նորություններ հաղորդել մասնակիցներին դրանց ընթացքի և ծրագրերի մասին, ներկայացրել նախարարության մոտեցումները անելիքների շուրջ: Պարոն Գիլոյանը ընդգծել է Ծրագրի շրջանակներում համայնքին փոխանցվող գիտելիքի ու հմտությունների կարևորությունը իբրև համայնքի՝ պոտենցիալ դոնորների հետ փոխգործակցությունն առավել համակարգված, մեթոդապես հիմնավորված և ամբողջ համայնքի կարիքների լուծմանն ուղղված գործունեությունը կարգավորելու արդյունավետ միջոց:

ԳՄՀՀ համակարգող պարոն Ա. Քեշիշյանը ներկայացրել է Ծրագրի նպատակներն ու խնդիրները, խնդրո առարկա Ծրագրում ԳՄՀՀ, ՏԿԶ նախարարության և ՀՏԶՀ-ի համագործակցության մարմնավորման առանձնահատկությունները, հորդորել մասնակիցներին ակտիվ ներգրավվել աշխատանքներում և ապահովել իրապես մասնակցային, փոխհամաձայնեցված առաջնահերթությունների, կարիքների և ծրագրային գաղափարների վերհանում և ներկայացրել փորձագետների թիմը, ինչպես նաև կարևորել այս վերապատրաստման աշխատաժողովի կարևորությունը հնգամյա և այլ պլանավորման գործընթացների համար:

Գերմանիայի միջազգային զարգացման ընկերության կողմից աշխատաժողովը անցկացնում էին RDF խորհրդատվական ընկերության ներկայացուցիչներ պարոնայք Վ. Կարապետյանը, Ա. Դադոյանը, Ա. Գրիգորյանը և Գ. Մուրադյանը: Փորձագետները սեմինար-խորհրդակցությունը վարեցին «Մրցակցային առավելությունների մասնակցային գնահատում» (PACA), «ՀԵՔՍԱԳՈՆ» և «ԿՈՄՊԱՍ» Մասնակցային ախտորոշման և գնահատման գործիք, «Ծրագրերի սրճարան» (Project Cafe) և այլ՝ միջազգային ճանաչում ունեցող մեթոդաբանությունների հիման վրա:

Աշխատանքները

կազմակերպվել են պլենար և աշխատանքային խմբերի, ինչպես նաև համայնքապետերի և յուրաքանչյուր համայնքներից երկուական ներկայացուցիչների հետ առանձին քննարկումների միջոցով: Աշխատանքային խմբերի մասնակիցները պատասխանել են երեք հարցերի՝ «Որո՞նք են մեր



համայնքի խնդիրները», «Ի՞նչ ռեսուրսներ ունենք դրանց լուծումներ տալու համար» (ուժեղ կողմերը) և «Ի՞նչ ծրագրեր են հարկավոր՝ դրված խնդիրները լուծելու համար»: Կիրառվող մեթոդաբանությունների առանձնահատկություններից մեկն իրացվում է բացառապես մասնակիցների կողմից իրենց իսկ համայնքի խնդիրները վեր հանելու, դրանց լուծումներ փնտրելու և դրանց ու առաջնահերթ լուծում պահանջողների շուրջ համաձայնության

գալու մոտեցմամբ: Միննույն ժամաակ փորձագետները խրախուսում են քննարկումը, օգնում մասնակիցներին մնալ մեթոդաբանության սահմաններում, դրսևորել թեմատիկ ուղղվածություն, արձանագրում համաձայնեցված դիրքորոշումները և ամփոփում քննարկվածը:

Պատասխանները

խմբավորվել և գնահատվել են «բալային գնահատման աղյուսակի» միջոցով և ծրագրային գաղափարներին տրվել են կշիռներ: Բարձրացված խնդիրներից էին ա) ջրամբար և ոռոգման ցանցեր, բ) միջհամայնքային տրանսպորտ և աղբահանություն, գ)



հակակարկտային կայաններ, դ) գյուղտեխնիկա և ճանապարհների բարելավում (հանդամիջյան), ե) բերքի վերամշակման աջակցություն, զ) տուրիզմի զարգացման ենթակառուցվածքներ, է) համայնքային լուսավորություն, ը) համայնքային կենտրոնների բարելավում, թ) խմելու ջուր, ժ) բնակչության ազդեցության աստիճանի բարձրացում և այլն: Այս գաղափարները հետագայում կլրամշակվեն, փորձագիտական նախանական գնահատականներ կտրվեն, և ամփոփ հաշվետվությունները կտրամադրվեն ՀՀ տարածքային կառավարման և զարգացման նախարարություն:

Այս համատեղ աշխատանքի հիման վրա, ելնելով նշյալ մեթոդաբանություններից գույքագրվում են ըստ բնակչության և ՏԻՄ-երի՝ փնջում զարգացման հեռանկարները, վեր են հանվում համայնքի կարիքներն ու առաջնահերթությունները, դրանք համադրվում են մարդկային, ֆինանսական, տեխնիկական նյութական առկա ռեսուրսների հետ, ինչպես նաև կազմվում է համատեղ քննարկված և համաձայնեցված ծրագրային գաղափարների ցանկը, որից մեկ-երկու ամենաբարձր կշիռներ ստացածները մանրամասնեցվելու են՝ հետագայում հիմք հանդիսանալով ծրագրային առաջարկների ու հայտերի մշակման համար:

Միջոցառման արդյունքում կազմվում է փնջի ծրագրային գաղափարների ընդհանրացված պատկերը, որը կարող է օգտագործվել ընտրություններից հետո ձևավորված համայնքի հնգամյա զարգացման ծրագրերի մշակման, պոտենցիալ դոնորների (այդ թվում՝ պետություն, միջազգային կազմակերպություններ, սփյուռք, քույր-քաղաք պայմանավորվածություններ և այլն) հետ ծրագրային համագործակցության հիմք: